



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Enchiridion Sev Manuale Episcoporum Pro Decretis in  
Visitatione, & Synodo, de quacumque re condendis.**

**Gavanti, Bartolommeo**

**Venetiis, 1650**

cap. 26. De Oeonomo, cathedratico.

**urn:nbn:de:hbz:466:1-9534**

Una eademque videntur omnes, poterit in fine coniecti liber Scrutinij, asseruandus inter Acta congruentius.

11. Antequam dimittatur Synodus, valde vile erit, ut hi Praefecti conveniant coram Episcopo, & summarie referant communio-rem statum totius Cleri. quod si quid in communi monendum erit, Decreto opportuno imminenti malo provideatur, aatequam discedat Clerus.

12. Qui ex his Praefectis non habent in Synodo locum, aut sedem propriam puta, quia neque Canonici, neque Parochi sint, sedere possunt à tergo Vicarij Generalis, ut praesto quoque sint cum eo ad procurandam disciplinam Synodalem in Clero iuxta Tabellam ea de re edendam, ut supra, etiam praecipua cura Praefectis incumbit.

13. Peracta Synodo dabunt Episcopo Acta in Secretario, distincte scripta, cum catalogo eorum, qui tenebantur accedere, & eorum qui non accesserunt: & in fine totius scripturae subscribant propria nomina, cognomina, & titulum Praefecti Scrutinij.

DE IUDICIIS QUERELARUM  
& excusationum. Cap. XXIV.

1. Duo, vel tres una cum Vicario generali deputari solent ad audiendas controverfias, seu querelas: qui prout de iure, brevitatem forma iudicij adhibita, illas dirimant, & has dijudicent.

2. Idem excipiant libellos supplices datos pro excusatione absentium examinandos deinde per acta Synodo.

3. Si quae nascuntur controverfiae de ordine sedendi, seu procedendi, iidem brevi manu componant, citra praedictum arbitrium.

DE PROCURATORE CLERI.  
Cap. XXV.

1. Ut quiete, sine tumultu, agantur omnia, solet alicubi deputari ab Episcopo Procurator Cleri, ad quem adeat Clerus, ut eius nomine cum Episcopo communi nomine agat in Synodo, si quae forte decernantur difficiliora. quod si Clerus eum elegerit ad alia negotia Cleri, ille ipse poterit etiam ab Episcopo nominari. agat autem petita in Synodo venia ab Episcopo, & etiam debita modestia, & reuerentia.

2. Quaecumque petierit nomine Cleri, petat in scriptis Secretario dantis. Vide in 4. part. cap. 8.

DE OECONOMO, ET  
Cathedratico. Cap. XXVI.

1. Quicquid solvatur pro Cathedratico, quod varium est variis in locis, pro eo exigendo constituitur Oeconomus; & is esse solet Magister domus Episcopi.

2. Solent Episcopi quandoque condonare Cathedraticum; quod in Decreto erit exprimendum, ne fiat in praedictum Episcopalis Cathedrae.

3. Est enim introductum in honorem Cathedrae Pontificalis: quod alij vocant Synodaticum, quia solvitur in Synodo.

4. Regulariter duo solidi solvuntur in pecunia viduali, ut patet ex consuetudine communiori, & ex Actis Eccl. Mediol. Neapol. ex antiqua consuetudine Cataleni quinque.

5. In Provincia Mediolan. ex Actis eiusdem Ecclesiae, solvitur tantum à Parochis. alibi ab alijs quoque beneficiatis. attendenda erit locorum consuetudo.

6. Non placet illa exigendi quotannis Synodaticum (nisi aliud consuetudo postulet) omnia quotannis Dicecesanae Synodo.

ANNOTATIO. §. 4.

1. Non potest Episcopus augere Cathedraticum, ex Decr. Congreg. Cardd. super negotia Episc. in vna Isernien. 15. I un. 16. 19.

DE CONFESSARIIS CLERI.  
Cap. XXVII.

1. Expediit, & praesertim in prima Synodo, quod Episcopus remittat Clerum suum à Synodo bene purgatum à peccatis, illuminatum Decretis, & unitum sibi, & Deo: idcirco deputare poterit sex, vel octo Confessarios saeculares, & regulares cum omnimoda Episcopali facultate ad audiendas Cleri Dicecesani Confessiones.

2. Imò eisdem communicare poterit facultatem, quam habet in capite. licet. Conc. Trid. sess. 24. cap. 6. ut tollantur si quae sint, secretae irregularitates à Clero.

3. Terminus autem praedictarum facultatum satis erit, à diebus sex, vel octo ante Synodum, ad totidem dies post Synodum, & pro Clero tantum.

4. Hic verò tempore Synodi conveniant in Ecclesia Cathedrali ante sessiones, & post eas, ut quemcumque de Clero accedentem audire possint, domi quoque eos audire poterunt, si ij velint: non autem tempore actionis